



喜雨

突來風雨晝昏黃忽有秋生五月涼  
出屋看雲忘補漏登涂理洩笑沾裳  
驕蝗漬水猶存命穉麥炊烟已放香  
苦樂未窺天地意敢言鼓瑟動穹蒼

月湖夜泛同朱君燮陳小有梅瘦橫黃敬淦子  
感李夏玉文孫胡石室諸子

澄湖波隱夕陽紅選泊隨舟賴小風  
賓主幾人遷客半冠裳迎座楚天同  
閒收遠水空濛外卧看青山款乃中  
敢笑新亭非勝會徒標雅韻在江東



送宗兄魚山給諫還朝

攬轡遲遲已及春，知君出處絕凡情。  
望如更老年方壯，官不公卿總是名。  
燕署退休多晉塵，楚人屢北失齊盟。  
朝廷汲黯真相屬，尚有儒冠頌太平。

送婦翁蕭千里副戎之滇

四十年來敦禮樂，公為漢冲司成家孫大姑方伯令嗣以明經從戎故云六千里外佐孫吳。  
牂牁斂霧初知漢，百濮聞風不走湖。  
地略莊躄元上將，檄傳司馬實名儒。  
莫言荒服皆頑土，應念潢池亦我徒。

王治徵應武昌廣文之辟，見寄以詩，依韻奉荅。  
才長應不忍辭官，首著清齋許暫安。  
豈有繁華容我共，莫將貧賤望人寬。  
樊川黯淡留歸燕，宮樹迷離斷彩鸞。  
飽喫魚羹多作賦，泥頭酒熟憶新歡。

見李文孫詩，知李萬成以八月四旬初度。

投身各不厭漁樵，為誦停雲感索居。  
自昔情生秋水後，况當人進歲華初。  
多予一紀冰霜氣，少子十年今古書。  
莫怨鷓鴣閒著賦，修途浩浩正膏車。

王亦世三十

自從弱冠與周旋十載相窺風雨前去日童心都漸  
老只今好事幾堪傳黑頭父母義皇福采羽蓬蒿雲  
霧天海內後生推許甚逢人未肯信君年

黃九閑見過

山深地僻似天涯誰指蓬蒿作我家慣客兒童知拱  
揖近農言語學桑麻三年詩賦篇篇酒五月葵榴露  
露花過別悵君多意緒舉頭真媿入林鴉

池塘生春草

流鶯聽處曉寒吹指點昆明異昔時自是東風無病

物却教南浦有芳思吳宮花發嘶金勒秦女桑間憶  
碧絲烟雨年年青未了六朝野色至今垂

同王涓來家率行飲李文孫合臥廬分韻

和靖高情許詠梅寒香今日為君開况當南國人三  
戶共對東風酒一盃晉代桃花隨處有秦時明月自  
天來可憐五載行吟客閒立蒼苔得幾回

送蔣青萍年丈令鄱陽

聖主臨軒嘆賦蛇江鄉遠辱使君車携將帝里三春  
暖去放鄱陽一縣花醉酒舊如彭澤飲烹鮮新學野



漁家敝廬風雨飄飄後倩問門前可種麻

病起徐致公姜滙思曹木欣諸年丈過話有感  
藥竈桐陰坐晚風驚心霜露慎微躬忘機好友能相  
問多病狂夫尚未窮身後自然傳李白眼前誰肯薦  
楊雄看君各有凌雲氣顧盼須教萬古空

上張蓬元司空

博物張華天下聞忘年謬許接氤氲匣中賜鏡清如  
水庭際孫枝高拂雲帝為黃輿開禹貢垣分元武贊  
堯勤新傳諫草為松色白髮還堪羨惠文

燕署送李翼孫還楚

餉君仍是腐儒餐久別何曾易歲寒七載琴書分大  
宅再生兵火共危巒河東已獻楊雄賦下宅猶塵貢  
禹冠宮樹參差鴻雁影到家還應憶長安

官翰  
林

予時與令  
兄文孫同

夏杪奉簡陳百史太宰

清通名籍掩裴王百尺樓高天下望水鏡何心驅魍  
魎柴車到冢是康莊諸卿並座年偏少八代迴瀾興  
未央

聖主自知生甫意肯容六月有飛霜

送郝冰滌御史按蜀

秋風鵬鷲擊高旻驄馬遙看出紫宸萬里三巴初隸  
版一時八使獨埋輪馭經折坂聲偏厲詩過夔州調  
更新試聽行歌蜀道者尚憐有客似嚴遵

喜張君奭中順天鄉試

屈指詞場百戰餘幾人早上計偕車青雲累葉歌麟  
定元霧初開見豹祛平子兩都工作賦黃公三畧豈  
勞書漢江春色仍京洛只聽傳動草廬予將請急歸楚

送汪潛之臨清

治安有策事難成卓魯風流付友生彩筆自能榮五  
馬佩刀何必薄專城驚濤航稻東南命落日帆檣賈  
客情衛水淪漣斜抱郭懸知無踰使君清

別宗兄雪堂少宰

吳楚乾坤各渺茫相逢振羽咏朝陽五君豈可無山  
老一姓還應有季方人物南州新起色松楸址夢未  
成行曰歸不是尊鱸興矯首柴車思正長

周世培給諫為太母六十請假時太公亦六十



有七

問寢龍樓動普天侍臣爭着彩衣旋餐非雲母顏偏  
駐隱共龐公車未懸紫誥正隨青鳥使皂囊閒貯白  
華篇更看玉樹亭亭立曲度將雛入綺筵

定州道中懷曹木欣

北風吹客急南征回首京華五百程雲物自含河朔  
氣曉昏不斷太行行情中朝久滯耽車馬太漠初寒念  
友生歲晚官貧交道薄可能隨意飽藜羹

宋容菴自中州典試還道上以錄文見貽賦贈

飛沙衰草上襟裾立馬先探國士譽楚客泣中原有  
璞洛陽哭後豈無書大河流向詞源細少室香分筆  
彩餘慚我莫酬青玉案為題黃絹載高車

過真定訪杜子濂司理不遇其祖友白先生為  
楚左藩余幼而受知賦此志感

開藩昔傍楚王宮蔽省橫經絳帳同棠樹老含東海  
雨桃枝春曳上林風近傳杜曲高天半况入恒山化  
日中題鳳不嫌投帶晚金門相望對丹楓

聞張體仁尚書訃

曳履新傳覲至尊輟朝忍聽賦招魂將軍不畏當關  
少僕射誰歌如父恩渤海飯牛紛涕淚南塘躍馬欲  
飛翻太平亦有傷心事何獨秋風五丈原

贈彰德劉司理

連城粲粲列羣侯佐郡名高此暫留衆水北纏仍甸  
服中原南控古神州登堂畫獄容塵滿推案韓陵與  
石謀彩筆即今趨入侍更教鄴下憶曹劉

贈河南學副黃彤沐年丈

黃岡人起家兵部

千頃真如叔度身寒惟正是潁川濱胸蟠武庫旌旗

色指顧中原壁壘新河水朝宗元赴海鄭風適館不  
游溱我來豈惜周南滯立馬嵩高說漢秦

贈天寧寺僧

三車妙義浩無邊耐得枯清漸自然施食人歸霜永  
夜盤飡客久色初筵講壇開徑方芟草社事嫌名不  
種蓮大夢已勞鐘鼓破轉愁慧業碍生天

宿鄆城逢冬至

節序風塵暗自催太邱墓側莽生哀激流曲繞千村  
入陽氣深從九地來月下雲車出北極天門斗柄移



南臺侍臣偏得春光到  
放去江頭探早梅

夜飲蔣應山邑侯署中次韻賦贈

花封深入萬山來  
烽火全殊舊草萊  
君已璽書高報政  
我從民社更憐才  
天寒老圃千家暝  
客至醇醪一甕開  
史氏采風應有獻  
此邦何處奏傷災

初春祝羅柳華憲督

開國勲垂侍從班  
封建未許重臣還  
豫州姓字兒童喜  
峽路山川裘帶間  
吹谷百蠻游淡蕩  
浮家千騎弄潺湲  
不慚春酒公堂祝  
好駐麒麟畫裏顏

寄趙聖居中丞

開府山南嶺上游  
漢江東向盡安流  
轉輸諸道成都會  
鎖鑰三川遠豫州  
紀績耻沉潭下石  
行春每泛習家舟  
峭函亦是旌旄地  
莫為鄉關起客愁

云故

中丞秦人  
兼治關陝

送李五鹿以山東憲副備兵天津

葵榴一路擁前旌  
箕尾爭看紫氣扶  
東向直窮齊魯地  
北門遙控帝王都  
九河水草應難問  
渤海刀牛莫浪圖  
閒訪日華宮裏事  
奇人可比仲宣無

先生宸重  
王子雲

夏杪同友人圍碁時湖南訛傳有警  
世事奕基興未闌與君深入局中看黃昏火戰風燈  
急長日餐忘首藉寒賭郡宣城寧免俗銜杯河朔強  
為歡時平莫作淹留計新有飛書慰謝安

中秋簡李保菴督學

清肅疑將秋氣分江天露白更思君月明遙送三秦  
色風動長驅六代雲不雨山中枯老桂連兵湘水斷  
芳芹懸知此夜南樓興搔首停盃望楚氛

劉存齋見過賦別

論交久已廢周旋客意如歸似主賢風雨寒能生野  
色茶瓜淡不負秋天興殘海嶽矜多病老悟聲名耻  
更傳此去里門新釀熟誰堪共醉菊花前

寄之城令盛霖襄同門

燕臺歷落意何如俛首風塵二載餘秀渚波通揚子  
水山城食少武昌魚潘才自合花相繞魯令能教蠙  
不書彩筆五雲趨入侍師門豈復故人疎

吳念侗五十初度

延陵家世著三吳孝友憑君古道扶當戶老鳥偏哺



母分巢小鳳又將雛吟成不許詩名大官解先知客  
路殊四十九年評底事真堪一醉傲江湖

送李銜站司理代覲

通籍十年猶佐郡承符此日得朝天廟堂豈是無知  
已岳牧多因讓獨賢匹馬寒依燕壯健一魚寂自武  
昌懸只愁遽有蘭臺召勞我徒歌春樹篇

聶輯五侍御重修晴川樓成恭賦二律

百年樓閣大江隈仗鉞巡行刈草萊戰後山川容色  
老清時天地壯國閉波橫蜃影蛟龍伏風靜鳩柴鴻

雁來勝事不堪驄馬去漢庭更急栢梁材

其二

雕闌玉柱入長空檻外帆檣萬里通春水遠來巴子  
國雄風高壓楚王宮鳳皇欲下簫誰引鸚鵡無言賦  
敢工直擬憑虛馳八極雲霄何日羽毛豐

贈王中翰歸養

飛飛小鳳五雲邊故國迴翔采羽翩只為有羹歸詒  
母非閑思餼輟朝天帷披永夜熊丸在堂暖春風燕  
子還借問一時金馬客幾人不愧白華篇

王迂叟直指枉過

忽然江漢見安波，賴有澄清使者過。  
晉地繭絲爭解綬，楚山藍縷更揮戈。  
纔闕國計同心少，依舊書生痛哭多。  
擬問豺狼偏叱馭，王尊其奈主恩何。

夏日過南昌蔡撫軍招飲賦謝

中丞開宴響雲璈，避暑誰誇河朔豪。  
鬱鬱夏林繁雨露，沉沉幕府靜弓刀。  
多方念亂停盃久，五嶺論兵前箸勞。  
知有衝樽人共酌，獨慚上客醉葡萄。

贈上高令

離却儒冠事事難，多君經術足當官。  
公家未改秦人失，循吏能令漢法寬。  
豈有督郵堪寄傲，何妨奴即墨不交歡。  
城南千嶂青葱色，尚許停車竟日看。

贈瑞州司理駱于高

粲粲英詞是駱丞，強徒案牘著微能。  
郊行羸馬偏驅虎，庭有棲鸞不下鷹。  
文法何人容吏拙，乾坤吾黨易譔興。  
枯魚懸戶仍憐客，把袂樽前得未曾。

北上過全椒步吳玉駟掌科瑯琊晚眺韻並贈  
一舟淮海也婆娑，作客依人感慨多。  
幸有筆垂秋夜



露不教情急廣陵波宦途庶夢隍中守往事駒光隙  
處過好好瑯琊峰頂月讓君爛醉發清歌

山陽九日逢王伊人同年歸省繫舟招飲

看君小艇衝秋水豈獨予懷寄草茅萬里敢期今日  
聚一樽喜出故人庖山東盜賊仍刀劍海內朋遊幾  
漆膠把袂長歌行路苦江楓白月淡霜梢

沈清遠座師定膠兵之亂以誕日凱旋奉賀二

章

經營禹貢有神靈兼領塗山接渤海羽扇夜侵秋月

白大旗直指燧烟青五千即墨樽前散十二諸侯壁  
上聽戈倒便披長命縷中樞元是老人星

其二

客心念亂倍難堪報道西征虎穴探陌上紅塵飛露  
布馬頭黃葉落霜柑舞干豈待旬經七解甲惟聞祝  
有三此去倘承天語問杞憂端不在東南

太學分獻畢何省齋宮坊見貽以詩兼從曹厚

菴司業乞胙依韻答之

辟雍高木散温暉百里依稀魯殿存燎火風前飛采

帛清絲天上響雲門裸分虎幄諸儒後道憶鳩筇國  
老尊事事與君輕肉食猶然情急大官膳

江上阻風

一客杭州擁敝貂故鄉迢遞似雲霄西風遠送瀟湘  
水東海寒生仄步潮斷續雁聲濤外落參差漁火雪  
中遙開樽共唱公無渡且聽石尤此日驕

將至金陵有懷徐州來何次德

江干斗酒送將歸賴子交情慰式微奉使再逢求駿  
後著書仍傍釣魚磯風前健翮矜高鳥樹杪孤帆挽

落暉此際愁心如木葉紛紛總向石城飛

彭澤道中懷六舅氏舟行未至

險絕江頭是馬當且迂驛路向潯陽前山細草吹初  
轉下水蒲帆勢已狂霜滿板橋遵虎跡川流竹箭勝  
羊腸同舟一夜難堪別地北天南詎可忘

北上送王子雲還南康

連雨當春春欲秋樽前夜夜起離愁送人楊柳偏盈  
路待客青山已具舟誰解飛揚存禮樂難忘天地有  
松楸沉冥莫更他鄉老幾見黃金慰白頭



信陽答陳孚尹贈別

汝雨執法竟無廬小徑誅茅住有餘五載再逢忙剪  
韭千秋自命只攤書門前未種鉤人草花下常看奉  
母輿白首青山莫太傲還愁天上降安車

送同年狄陶隣督學之楚

帝為崇儒出近臣驅車獨聽舊陽春荊州筆筭艱難  
地工部文章屈宋身嶽嶺雲深閑虎坐江天雨過變  
龍鱗明堂屢下通經詔上賞還期俗化淳

李共人孝廉同長君一男進士南旋投詩言別

依韻答贈

憶昔平分國士譽幾年秋共武昌魚雄文未薦空為  
友好事無多恥報書投我風塵仍縞帶看人搖曳有  
華裾楚天別是奇雲物一艇瀟湘縱所如

其二

難堪過別意躑躅作客知君興未孤得路驂騑先老  
馬蟠泥龍領抱雙珠去當六月聊歸息來負南風起  
壯圖竊祿故人涼踽甚相思遙賦絕交無

送許傅巖給諫視河傅巖客秋回由浙入汴

魚鱗言集  
此日朝廷倚諫臣推賢忽見簡書新龍蛇自合驅堯  
甸壁馬非關肇漢裡元武垣中出使者黃沙渡口集  
王人經過倘憶先年事秋水寒裳共問津

其二

中朝賈讓策原多肉食虛誇瓠子歌列郡金錢真糞  
土十年力役亦蹉跎漕南未許寬三戶直址誰容問  
九河衣帶清淮憂不細雲帆遼海事如何

贈邱曙戒庶常兼懷令弟季貞

尊甫德峻時守漢陽曙戒兄弟

曾隨任

交驩海甸二難同獨起聲名動漢宮天惜雙龍終自  
合辨經五鹿許誰雄曉鐘破夢迷芳草御饌分甘穠  
晚菘漢水昔曾傳彩筆好詞先被碧紗籠

九日同徐寧菴曹厚菴集馬漸齋署中

蒼蒼草木向衰天憔悴人依圖史前霜滿東籬花自  
傲風狂南浦雁堪憐頻年在手惟莢酒多病他鄉此  
俸錢莫更登高愁入髓楚氛萬里白雲邊

九日同寧菴厚菴漸齋登昆盧閣二首

插花小飲又何求攜手招提最上頭落木散成雙闕



兩急砧聲帶萬家秋冥冥極浦飛鴻鵠冉冉山下  
馬牛怪道五侯絃管沸鬱葱佳氣果神州

其二

巍峩象教帝城開寶馬香車得得來笈指秦封猶有  
樹可憐燕市已無臺此生擬辦新芒屨何物難忘舊  
酒醅鉢水蓮花俱色相一生清磬使人哀

送黃樵雲視學湖南

時典晉試歸

西曹文采更誰如雨雪南征歲欲除才子冥搜三晉  
後雄風肯襲六朝餘嘉魚大澤深深釣香草零陵宛

宛舒吊古涉江應有賦嶽峯好寄雁迴書

送楊青巖督學江西便道歸省

一從通籍罷南征新簡人師故國行椒酒歲寒明綵  
服樓船春水擁文旌詞源九派川流色直道雙孤壁  
立情奇字不妨元草示子雲門下有侯生

周伯衡同年備兵池太

送客衝寒出紫宸幾年並轡忍重論非閑歲晏憐遊  
子別有成言戀美人海口潮生嚴角鼓戍船風靜下  
絲緡九華况是神仙窟 聖主何曾薄諫臣

公以給諫轉外

仲春南苑閱武 賜宴行宮應制

宸遊端為念苞桑親飭軍容出上方百戰雕鞍天廐  
馬千金寶劍羽林郎蒐兵春日同周禮較獵長楊邁  
漢皇回輦大官傳賜食虞廷氣象本垂裳

朱遂初給諫備兵固原便道歸里步何省齋韻

四首

中外論才厯至尊忍因襍被遂高騫行藏淡蕩飛蓬  
轉心跡分明諫草存遠塞弓刀天下計掖垣花鳥十  
年恩即今供奉多英俊報國何須戀國門

其二

間關吳楚入秦川車轉班班又刺船爭說王人親接  
部可知天子重行邊屬羗白馬來沙磧古戍黃雲擁  
石田謾道長城休戰伐酣歌還憶大風篇

其三

祖帳東門事已稀江鄉空羨稻魚肥寧如四牡塞帷  
出更許三山取道歸白鹿夢酬黃綺願青牛氣接紫  
雲飛涇原父老思招討穿眼帆開燕子磯

其四



魚鑑詩集  
蕭關西去見羣峰選勝尋幽霧幾重鸚鵡新聲當戶  
落葡萄美酒入春濃王符高卧寧為友皇甫求名未  
可從何處思君悽惻甚五更畫省度疎鐘

送李保菴分巡荆西

保菴先為全楚督學

度漢浮湘垂橐回江天何幸節旄開剩將彩筆當前  
箸仍見文星耀外臺冥阨秋風行部去洞庭春水柏  
城來艱難楚事盱衡久此日安危仗大才

送徐寧菴之大梁水利

弟兄分手各躊躇若掄君恩本未疎一自公卿陪壁

馬可無太史志河渠天邀春水桃花後人憶秋風桂

權初偶咏金隄偏怵目遙知此去有興除

寧菴每稱  
子榮澤壁

間渡  
河詩

送韓二水同門補安陽令

初任四川開縣

孤績西川敢具論憑教杯底濁漳渾當官卓魯儂腰  
折入鄴曹劉有賦存燕市秋風難送客漢家循吏易  
承恩叮嚀借寇經年後莫許遮留滯北轅

黃嶽生試得銓曹賦贈

天官高選策良賢奏對藤陰獨擅場一署白雲成簡

要十年南楚乍輝光爭誇此日司龍鳥不悔當初奪  
鳳皇落落紫車侵曉色清流肯讓五君狂

黃太君六十

蘭岩同年之母

長年文史滿房櫳引鳳將雛看羽豐珮解春盤雲乳  
白機鳴雨幌石鑪紅但持七箸詢平獄時有音書慰  
固窮玉笋錦衣乘晝永漢家女誠待扶風

送卜澹菴補任修武先是令郊民為立祠近聞

修武逋賦五千有奇賦此慰之

荒荒小邑又嚴程羸馬輕車拙吏情汝水祠堂巢乳

燕河陽驛路聽流鶯萬家難鑄黃金錯十道誰堪赤  
羽橫破產莫嫌官作累陳蕃從此得高名

送穆伯章令鉅鹿

茂宰承恩出建章綠衣加綬倍輝光

伯章為母而仕

地當赤

縣塵千里人在黃州雪一堂繞郭夏雲生大陸隨車

靈雨乞龍岡

時畿輔苦旱

還尋夢壁觀兵燹搔首南風起

慨慷

顧西轍同予以戊子立秋就雍試因捷兩闈顧

由邑令內名計別九年及呼余飲正立秋前



一日也是日龍熙載同年以南酒佐飲予大醉即席賦此

同時挾策帝王州搔首青天大火流別後酒人拋作吏重來風物却驚秋身違槐柳堪成醉話到鱸蓴始欲愁莫擬伯高非好事百壺京口過墻頭

疊前韻答熙載戶部兼謝佐觴

醉鄉何必讓涼州能飲能歌即勝流舊雨渾隨金井葉新歡一作瓦盆秋多因麴部君兼攝畫買糟邱瘞容愁却憶梅巖如太古宿醒慵起日西頭梅巖古蹟

先生園予以子壻讀書其中熙載頻載酒過此

王胥庭學士三十初度

聲華侍從許誰攀弱冠登朝十載還袍笏趨庭看色丹鉛揮管擅三班行宮夜月緝前鶴講幄秋風海上山料得功成黃閣後畫圖猶未改朱顏

送宋牧仲下第歸商邱

只為秋風續楚歌天將宋玉故蹉跎承家不在科名早落第真如噩夢過懷有雙珠泣白日囊餘一劍渡黃河羞稱獻納空揮淚潘鬢蕭蕭木葉多

趙州公署見郭文毅壁間詩感而步韻

風節文章一鄂州  
辨香三世思悠悠  
先王父與公交好  
鳳池

長謬亡猶晚鴻爪  
何年跡尚留  
楚事幸逃東市死  
青

宮頻泣武昌秋  
文毅為光宗日講功在國本  
可憐  
枉却飛書計穿眼平津竟不侯

饒型萬掌垣歸豫章賦別

諫草紛紛策治安  
碁枰斂手興偏闌  
不借襪被心誠

許擬辦淹留病未寬  
送客他鄉揮淚易致身

聖主得歸難舟前  
一路秋山色已作江天五老看

王懷人下第歸蕭文超限韻賦別

送別惟君灑淚真  
如雲意氣百年新  
五車於我稱三

益萬事輸人只一貧  
鴝羽秋風分大漠  
龍文春雨合

延津到門黃菊垂  
垂發且許無功取  
醉頻

李仁熟索近詩賦  
荅時將隨尊甫過  
廬赴中州

任

後生眼底半經過  
獨子帷深長薜蘿  
累世交遊懷刺

少避人著作等身多  
本無好句酬相問  
縱有閒情奈

病何老望詩傳傳已晚  
梁園高賦莫嗟跼

謁夷齊廟廟臨漆河  
宋兵憲荔裳河魚見餉



魚鱗詩集  
雄關千騎擁高車賦裏梅花宛宛舒雜珮此時真可  
贈辦香夙昔未全疎艱難底事營逃網慚愧良朋問  
著書鄉思暫拋一縱酒漆河魚勝武昌魚

其二

吏議年來及脯修冰霜廚傳頗夷猶傾筐忽見楊髻  
色行部豪于彈鋏遊豈諷攤書如懶祭應憐有骨是  
魚頭終輸二子甘心餓不釣何須戒曲鈎

自易州抵京向永平

那有春光到馬牛荒荒白日照邊樓過門再食成真

客出郭三河莽欲愁東去徠丁非舊戶西馳獵騎盡  
通侯鳩形驛卒休垂淚辛苦由來十六州

病起獨酌值西燉饋酒有作

朝參雖嬾未扶犁煮藥停杯計還迷多病心情綠獨  
醒不才酪酏稱卑栖天垂佐酒三旬雨閉仗封門一  
尺泥身比劉令還作達脫簪諫飲更無妻

其二

此病聞君昔飽嘗得君助飲飲何妨寬腸且自陶今  
夕苦口無勞執古方不典春衣堪出塞

時將試  
宣府

能成

遠夢好還鄉何時中外文書罷多向曹參醉幾觴

送許傳巖歸

那堪多病未抽簪又見登仙駕兩驂  
奮力他時還報主家門此去願生男  
秋深河上風波靜歸向梁園雨  
雪耽有日堂前窺綵服楚人驛路在城南

自宣府之易州校士宿紫荆關

蔚蘿南下踏雲烟冀野真稱地利偏  
路轉千盤難恤馬時當六月又行邊  
客歲亦以季夏試宣府頻呼雨漲公無渡  
但見烏栖我自憐危嶺荆榛還叱馭  
楚人藍縷已三年

大署獨坐望奕者來

八騶長日竟傳呼慚愧空庭一事無  
閣裏點班償粥飯局中算劫有踟躕  
脫巾大可迴殘客澆甕常防損  
舊醅野老肯來吾願足疎簾清簟即菰蘆

曹厚菴張著漢訂期見過是日忽雨

晨起撤門羅翻延驟雨過濕烟出戶晚  
流水入隣多豈不催詩興其如阻玉珂  
等閒雞黍局也復嘆蹉跎  
厚菴箸漢竟以是日冒雨赴約遣迎趙洞門先

生走馬即至



前期真得在，高車騎馬衝泥興。更賒陸羽雪風無，退避林宗巾角任。欹斜疎疎宦况將，闌雨緩緩歸看未。宿鴉麤糲盤餐俱，楚俗頓忘樽酒是天涯。

張筭漢考功四十索贈

不聞四十堪為壽，但向風塵感歲時。將半百年還我老，驀登三事覺君遲。逢人便為爭新法，閉戶真因覆舊棋。良友嘉辰秋又到，縱無歡讌也裁詩。

張筭漢乞養得請，送歸賦贈

清通名望籍三秋，一葉飄然潞水舟。華髮未知遊子

五彩衣，翻引故人愁。思家雪滿蓬中逕，計日春登竹裏樓。欲采顏千歲草，不妨身被白雲留。千歲草出江陵

甘叟七十

梅巖春雨坐芳菲，十載重逢事已非。畏老忽從今日至，問年不信古人稀。酒經未著終須補，碁局難捐尚有機。若使為儒牽世網，精神龍馬幾荷衣。

與王樸菴太史言別，詢知不日五十初度感賦。話到年光感不勝，別筵當暑更張燈。已知嫁娶貧難畢，肯信逢迎老未曾。花鳥輞川違薄宦，文章雲杜阻

延登君留我去俱寥落皓首孤踪報

孝陵

謝東充兵備張及菴前輩遣訊

露冕東來復幾春楚天歌思至今真摧殘齊魯憂方  
大慚愧流亡幸有人百鍊縱應辭視草十年豈合老  
前薪致身可不依槐柳江漢何情早問津

其二

竊池拙吏戴如天我亦焚香彩筆前一葉隨風違幕  
府雙魚帶雨上江船食逢仁祖何妨索詩到燕公許

必傳多病所宜惟澤畔恩私欲報總茫然

次韻賀家江都仲良迎養

水滿青畦花滿城問安江上出郊行迎鳧野色同鷄  
犬騎馬兔聲雜燕鶯春老芝蘭爭愛日時清淮海正  
休兵團團父子家家願記取甘棠萬古情

王太翁太母年皆五十有四阮亭索詩為壽

庭堦十月有和烟天上雙星降廣筵甲子未週婚嫁  
後庚申常守瑟琴前藤陰仙露金莖潔蓮幕晨葩玉  
藥鮮他日南園家宴句素心早中白華篇

阮亭南園從遊有素



心早已  
足之句

儀真阻風鍾水部王行使至寄答

浮家三月尚江干斟酌將空首藉盤避客魚蝦爭入  
市尋烟鷗鷺自臨灘新從去國謀生晚老向私人拜  
賜難不是君心憂旅泊敢言天地有金蘭

病中抵家逢九日有作

一路西風減健髭卧看木葉下空墀飛揚事過如秋  
老拱揖人疎與病宜藥裏茱萸克節物籬邊菊藥負  
心期列城聞道蛙生竈未必登高不淚垂

答顧且菴侍御

報書越水謝慇懃近日幽憂忍遣聞北夢烟波難買  
斷西湖蝦菜肯平分襟期可指中天月事業真如出  
岫雲未便相攀成二老還看旗鼓壯吾軍

雨中偶成

去年春色思鄉苦春色今年苦正同上塚人逢寒食  
病款門鬼似舊時窮劇憐蜀道呼天漏西山夫漫喜  
田家說歲豐紅紫晴嬌不在眼好將搖落任東風

送洪谷雲大行兼寄洞門侍郎

久已無言向玉珂開扉端為使星過三秦弔古文章  
大五嶺憂時涕淚多春殿明年翻獸蓋楚江何日起  
龍梭相如弩矢猶岑寂不病誰甘老翟羅

易晴涓典黔試過里門予病不得見賦寄以訂

後晤

鳳池仙駕動殊方當郡南山亦鳳皇去路桃枝爭結  
實歸時菊蕊獨凌霜使星暫可推碁局明月空知看  
屋梁但得身強親漉酒寒宵一醉共羲皇

七夕書懷

佳期堪喜復堪憐乍合將離一水邊香駕猶憑烏鵲  
引繡窻能得巧絲傳天河有路銷長恨洛浦無梁穩

獨眠見說井梧飄昨夜病眸騁望漸澄鮮先一日立秋

省試日有懷三弟及畿輔諸生之在壯闈者

燕山駿馬楚江魚吹浪嘶風雁動初新得移鈎從海  
畔可能解紵謝鹽車紅蓮易采花看盡白菊難開葉  
尚疎無定名場長只爾武陵欣賞豈全虛

八月雨浹日不止嘆念省視親知又中薄寒促

醫合藥有作



魚鱗詩集  
三  
悵望秋田事已空亂流故故浸蘭叢莫言幾日長堤  
白未勝千行短袖紅天上也應修濕桂月間豈合佩  
乾鶩愈風錦字傳來晚且掃苔花過藥籠

送俞以除主考還朝

傷離扶病一開門極目清霜變楚原鷓鴣感秋雲漢  
逼魚龍不夜洞庭翻幾程釣艇尋寒火到日詩囊帶  
雨痕身世所悲何限事臨歧惆悵竟難言時有水災

贈黃秩玉解元

探先龍領最初珠唐鄧諸公近可呼鄙吝見來都撲

畫科名今日未全誣貪看北苑秋鷓迥不怨南鶩病  
鶴孤此去從教文體變漢庭三對屬醇儒

庭菊

耐盡西風得數枝寒花老屋兩相宜影涵白月情何  
限香到青樽醉不辭欲託頽齡思爛熳恰逢晚節未  
離披開門畫掩添高韻為想松根古磣時

九真訪李杯湖值四十初度

悔別青山十六春東風求友得佳辰可能犢健還如  
少依舊鶯啼巧磔人蘭葉弄香翻玉砌護芽穿土傍

雕輪中朝大有看雲客為羨連枝五畝身

寄顧西巘侍御

蜀道當年但苦吟湖山勝處百憂侵人情自瞰高明  
室老友能知寂寞心多病逢醫將得訣薄田受水未  
全深獨憐滿眼新絲淚幾度吞聲滴到今

中秋前二日王瓊琅六十

燈火西園丙子春升沈幾見六旬人黃沙警枕愁相  
傍碧樹深杯老更親出與陶潛同宦况歸祠王績作  
詩神欲知天補蹉跎意未午將圓月一輪

聞曹厚菴乞假愴然有作

病裏觚稜入夢來鄉思偏逐五雲催非憂桂玉寧今  
日若問筵楹但古苔視草交遊誰繫馬傳經弟子幾  
銜杯景山猶似朱旗繞涕淚孤臣首重回

贈饒崑壁

繡盡農經得訣遲腸同木葉向秋危可憐紫蟹紅蝦  
會纔對金風玉露時五嶽放懷還有分一門寄命更  
無疑却慚身外牽煩惱愁鬢非衰亦自絲

寄答王亦世於錢塘時以令永嘉被黜



故人書信出錢塘  
世事交情淚幾行  
放怨累章誅筦  
庫無如當食媿流亡  
一湖尊盡盤餐晚  
百里花殘雨  
雪涼作吏於今難  
我法憂時空斷腐儒腸

春日送卓與三庶常請急歸里

深巖丹地乍橫經  
忽向汀州倚畫舲  
病望五雲都似  
白歸板千樹一何青  
文章自有回瀾日  
師友真如欲  
曙星別後風光誰似汝  
舊牕檢點讀書螢

乙巳正月十九日聞曹厚菴卒於揚州

飄蓬俱老舊詞臣  
擬伴參苓得此身  
豈料九霄垂翅

客還為千里蓋棺人  
尻輪神馬應無惡  
月斧雲斤總  
隔塵漫把招魂招  
未得鶯花不博

孝陵春

揚鄂州自滇理行取職方賦贈

間關萬里一經過  
忽漫東風送玉珂  
春日心情輕道  
路夏官手堂有山河  
殷憂盛世封疆少  
清議當年部  
署多衰晚師恩  
今已負憑君旗鼓  
慰漁蓑

楊為黃鷗  
湄座主轄

楚時所  
拔士

韓瀏陽超韓見訊却寄

退士春風入戶微  
舊蹊桃李隔芳菲  
畫輪想像青楓浦  
縞帶迢迢黃鵠磯  
說項揚生慚力短  
累人仲叔與心違  
世緣未斷惟知己  
尚覺中年懶息機

田家寒食

漢南晴嶂畫圖開  
乞得閒身上塚來  
銜紙亂飛三匝鵲  
敗磚入長一年苔  
文移山北非吾事  
夢表征西與夢回  
獨有草堂猶未就  
心期還被白鷗猜

五日漢閣弟設飲  
郡城東樓醉後次  
荀叔弟扇

頭李來園元韻

臨水登高稱散官  
風吹睥睨夏猶寒  
無多鼓浪青絲纜  
好對荒烟白鳥灘  
子舍嬉遊驚髮變  
郊君意氣在更殘  
傷心詩酒平生事  
醉把新詩欲和難

總督西曜張公招同撫軍瑞圖劉公飲黃鶴樓  
冥冥飛鶴幾時還  
人世仙源斗酒間  
簷外朱甍仍帶郭  
檻前白浪故圍山  
銷憂夏口漁蓑綠  
遺恨南朝戰血殷  
敢向庾公辭日暮  
烟波灣裏即鄉關

過文山寺

青林白蓋向寒原  
餅鉢蕭蕭野鳥喧  
諸葛幾時還築



壘昭明何處可招魂千聲梵繞三間屋百歲僧歸十

里村我比音賢還拓落並無玉帶鎮山門其地有大

為式侯屯兵處 寺建于蕭

### 訪王若思小飲如心亭

如心亭與水雲連高士棲遲近幾年漁夫指來深柳

路鷗群飛破綠蘿烟江河影裏看雙鬢大小軍前想

昔賢不見故人三十載銜杯堪喜復堪憐

### 梁開之四十

伯鸞醒醒伯倫昏難把心期與俗論楚澤何人非故

舊天涯偏得擁兒孫雙丸憑使催顏改萬事相看有

舌存為想結交年尚少不禁回首媿師思開之為王

命與子結婚 又僑寓淮

### 上元雨中送李雲田南遊

輕埃竟日散空庭漸覺春寒入鬢星懷友正思江浩

浩辭家忽向雨冥冥不禁老淚如紅燭難與新知共

綠醺柳葉桃根方得氣牽雲曳雪豈無靈雲田詩中

句根之

丙午孟春蕭文超三十賦贈文超將就試北闈

予亦被檄候補

高樓風雨閉芳春一石才華五畝身巢閣九重難得  
路侍中三十果何人樹含紅紫如年少盤剪青黃覺  
歲新我老君貧慚鄧禹馬蹄還踏化衣塵

重宿圓通寺夜話亭

天際雙峰費夢尋重來人已二毛侵十年尚自生車  
耳一話何緣長道心僧有薄田頻見吏鉢無餘粒可  
呼禽南康物力非全盛象教巍峩直到今

和答劉遠公遠公文端相國孫也

直從章貢望湘沅  
沓沓高吟古調存  
幾載扁舟詩伯老  
一時得路宰官尊  
傳家但有絲綸簿  
作客依然道素門  
為問啟禎評底事  
悲歌那復到寒暄

南昌侄仲升來知武昌縣便道見訪賦贈

燕市鴻泥感舊遊  
舍南忽繫鄂君舟  
東壇樹色連篁嶺  
樊口波聲帶沔流  
放鶴雅宜山水縣  
食魚真媿帝王州  
莫言長者無名譽  
卓茂當年也自侯

九日礪州道中

合臥滄江老未能  
霜橋月店夢觚稜  
沙村葉下石麟



後古渡人稀野馬興尚有英雄登廣武肯將涕泗洒  
西陵悲秋懷土兼多病見種菜萸感不勝

涿州道中

矯首金門一日程南冠西笑各為情十年底事如今  
古三戶深交半死生白髮將來須好老青雲欲附敢  
歸耕行行且莫論窮達雪酒霜芽計已成

贈朱沔陽

披襟真覺使君賢堪向臨歧雨雪天哀郢時當百戰  
後渡江譽在五年前荒蕪可問惟河伯斥鹵難歸盡

水仙料得臺郎徵召日寒帷猶自涕漣漣

轉官後寄家雪巖

氷銜氣象看來新還是攤書啜粥人伴客一春惟有  
病移家萬里始知貧小妻縱遣甘糠粃嬌女能無費  
組紉如子關心真不易五年貸粟已三巡

將別張蘧林雨中話舊有作

老友離筵話苦辛不須夜雨已傷神銀鐙陸見寧無  
意華表生歸尚有人萬里心期三折盡兩朝侍從百  
年貧空憐同日勾傳事博得

君王問幾巡

甲午後余獨在史館  
章皇帝每見則呼榜眼必及是科其第二基第三

蘇祁州次山書來謬誇予文章兄弟之盛且以

我擅酒卮見遺賦此志謝

朝班點罷少經過忽漫魚書破雀羅縱有姓名投壯  
海敢將兄弟比東坡績毛織手憐渠冷指口深盃酌  
我多聞道放衙耽染翰螭頭從此想鳴珂

宣府別駕吳采臣與故姊夫西陽衛守備張倩

生友善倩生歿別駕經紀其喪有古人風且  
以輓詩見寄余感其義為和二章

張顛難與說行藏抹額從軍偶作狂避倩臺靈三五  
畝追歡事過六千場野狐尚想揚旌節倉鼠誰知飽  
稻梁不有延陵能掛劍綠章只合懇穹蒼

張善道術

其二

寡惟親見荷戈貧誰為窮官拂甌塵死後還餘八口  
在生前便作百年論飛符勘鬼雲中駕刎頸酬恩夢  
裏身吟罷吳筠傷友賦悲風陣陣起青萍

寄皖撫張玉如中丞時仲弟同知廬州府事其

屬吏也



崇棣雙旌訝許同時平地羨慰吳蒙身臨皖伯桐君  
上氣並龍蟠虎踞雄帆影一宵依幕府琴心五載入  
江東還憑滿榻華陰土刮垢磨光鑄小馮

次蕭文超輓盧餘菴韻

玉簪金管竟何如一木束身萬事除蕭瑟真成蓬閣  
吏盧起家彌留不上茂陵書多情楚厲魂難返老病  
浮生淚有餘贏得遺文青史在陳琳塚畔幾欷歔

次文超韻輓王子雲

信美人間未易才有才無命使人哀崢嶸桓武封前

碣殘剩陰何撥後灰死去只如航久客生勞應已厭  
重回從今酒社詩籤裏那得忘機老友來

其二

丹崖翠壑不聞笳人指柴桑霞土家身隱故應刪禮  
數時數豈合更矜誇竭來城市呼新雨晚向江天負  
落霞但有微詞相贈零祇綠我亦耳生車子雲初隱  
盧山晚歸

巴河失  
志而沒

其三

八行五字許君傳軟語狂嗔盡可憐秀句難兼庚癸

足幽憂先說丙丁年料量可有持門戶收拾何人到

簡編老淚殷勤將漢水舍南經過一潺湲子雲語余其家每遇

丙午丁未輒有患難今當之矣

其四

輪困肝膽幾人知作誅招魂枉自悲妾比清娛能送老窮如子伯可無兒何妨貸粟非身辱不願封侯豈數奇容易可尋埋骨處九原只合傍要離

汪渌水由定安令為文選主事賦贈

漢江風雨赴嚴程強把奇遊慰遠行桃葉未銷三歲

字藤花已斷五君情左曹衡尺公來重南海珊瑚貢自輕距躍引盃何太喜祇因當路少同聲

七月七日早朝即事

鸞輿團露九霄來燎火光停曙色闕斗柄玉皇親提挈日華金榜倍昭回不因丹鳥巢松棟自出黃雲覆草萊網解道逃從內降七年淵默有龍雷

文超讀書余寓一年矣忽爾思家投詩言別步

韻奉答兼速其來

掩卷除非夢未回素衣終不受塵埃那堪南浦楊枝



折難待東籬菊蕊開蘆荻花前頻有月鯉魚風後更  
無雷長鏡斲獨雖蠲疾可少金莖露一杯

葉淡生隨鄭令君之任便道南歸次元韻贈之  
逍遙何地不如歸白髮還堪入赤畿筆墨時時存我  
法琴樽往往得人依閒看大邑加黃綬可抵丹徒作  
布衣未就草堂須代置裁書莫更說綸扉

送少司寇王思齋祭告南鎮時

親政特遣也

纁幣赤璋載奉常重臣持節倍輝光焄蒿穆穆凝三

殿懸殿迢迢遍四方旁覲心含滄海趣前驅人掛會  
稽章簡書大有呵騶容得似樓船引興長

其二

水送山迎媚碧油祈祥兼作采風遊中原馬璧須金  
簡於越牛刀望射侯自古虛傳君子壘當年亦是帝  
王州赫香升拜成三歎務向靈旗借一籌

陳說巖太史三十初度賦贈

銅龍分直每愴神忽憶今朝降甫申敢以衰容思後  
載相看少壯已前薪柳槐削跡能憐我粥飯憂時更

有人幾日廣筵宿酒在東坡重酌慶嘉辰

今年兩尊人雙壽為

作詩東坡其別業也

### 立春日送二弟覲還

偏向朔風聚雁行五年萬事九迴腸難期朱紱同春酒忍見辛盤是別觴聊可救時拚作吏縱然許國老為郎連床夜話知何處莫遣書來鬢有霜

### 贈唐明府

寬詔重頒似漢家循良攬轡有光華携將上苑三陽暖去放江城萬樹花山色有時邀鳳鳥人烟大半涉

魚蝦不堪往事傷懷抱卓魯生逢引望賒

### 贈田遜菴學士

連茵還憶草詞頭濁水清塵敢比眸直講久應題漢柱歲遷端合作商舟求衣未及宵鐘盡退食多緣曉奏留寂寞木天惟雅道憑君一為挽風流

### 壽霸易憲副張壺陽

東南是處有興除肯使垂崖老較書三輔彌知明試意五雲豈負致身初雕輪裛露招鴻雁燕寢蒸香伴壺魚田父愛官如愛佛應供白石帶園蔬

君以四月八日生



壽蕭封君

風稜真合領雄班，柱後恩深却放閒。海內有君如魯殿，天涯無夢不荆山。薪前已擬三遺矢，鞭後猶令一駐顏。赤水丹邱休騁望，隱居行藥戀人間。先公令楚先生極念

楚人故有荆山句

次鄂州清明後一日曾園韻

右安門外有高臺，愛客長筵累日開。鶯轉新歌流綺席，鳥銜殘紙點莓苔。可無好事從春去，况復良朋作賦來。多少朝賢說大隱，幾人身負夕陽回。

其二

壯平見慣石尤風，羈旅由來野興濃。春草坦眠勾舞蝶，好花遙看避遊蜂。科頭林下垂垂晚笑，口中朝故故逢。弔古欲窮千里目，陽城醉處白雲封。

其三

歌扇何曾付雪兒，但將冷淡答花時。長風射柳初迴馬，落日揮毫更致師。十里玉珂鳴野急，九關金鑰待歸遲。風箏社鼓當年事，白首無端攪夢思。樂天謂作詩為冷淡

生活鄂州時督九門故有金鑰句

其四

朝回書罷送窮文  
檢點行廚到夕曛  
典庫裳衣應迭換  
草亭壺榼許平分  
飛灰南畝頻呼雨  
澆酒西山蚤出雲  
風雅看君旗鼓勝  
誰言三戶不能軍

同鄉諸老集小寓丁香花下蓋將殘矣鄂州咏

其事步韻

城郭春歸似更茫  
一樽相與惜殘香  
初繁負汝封苔遲  
已落空憐駐石床  
屋裏尋詩行樹裏  
醉鄉有路接江鄉  
邀君小飲先愁絕  
定遣雙珠責報章

董易農分守隴右前曾巡視河東齟政

揮手離筵又向秦  
關河秋色冷離輪  
自從節度歸元老  
肯為蕃宣惜諫臣  
紅葉不教詩興懶  
黃羊應憶酒徒頻  
閒看出隴聰明鳥  
悟此勞勞亦有因

題明廣文張伯明殉難狀

江黃白骨接夔門  
楚事當年不可言  
厚祿何曾輕責死  
腐儒偏自重酬恩  
豐碑立向新禾黍  
家祭仍澆老瓦盆  
殺盡赤眉猶有恨  
漫從隔代賦招魂

婁江錢孺人六十蓋二月也其子葦艇官中翰



機絲膏火謝香塵已是平頭六十身向晚房櫳初斷  
雪辭寒門戶未深春黃鸝載酒思才子白馬清齋禮  
化人何必肩輿馳內殿鶴灘龍洞可千巡

九日懷楊鄂州

三年九日未回車人易悲歌酒易賒北闕風光仍戲  
馬東方城郭果生蛙無冠可是龍山客有菊終非洞  
花青瑣同心天外使知從何處望京華

于客駟比部瀏陽人其尊人官賓州有惠政民  
愛之為立祠明末之亂不得歸即其祠居焉

比部由長治令擢今官不三月得請終養將

迎其二尊人歸楚喜而贈此

鶴禁含香豈雪鴻南征不及一樽同雲生嶺嶠家斯  
在人過衡陽路未窮山靜猿蠻驚綵服歲除雞黍說  
唐風平反近日難深問潞子祠堂似若翁

已酉元日

又隨大饗一朝天坐見東風動簡編美酒都門驚忽  
變梅花古砌好誰辜友朋取次歸三徑兄弟相看半  
百年觀象臺前須騁望黃雲可遠鳳城邊

時有歷訟  
即日遣部

院科道于觀  
象臺測驗

曹飛雖之任恭城賦寄

雙僮一葉別魚磯  
江水悠悠照舊衣  
度嶺忽驚回雁外  
在朝時見白雲飛  
正從椎髻全吾樸  
敢信張羅到此稀  
唾手臺郎東下日  
相思應為款柴扉

釋菜禮成彝倫堂侍班恭賦

臨雍金石響鈞天  
綈几牙籤布御筵  
已入孔門榮孔思  
更緇堯典及堯年  
是日進講易書  
一時劍履爐香裡  
萬國經鋤曉仗前  
白首詞臣惟鵠立  
風光仍是候花磚

別汪千頃

照眼葵榴出禁城  
兩朝侍從亦崢嶸  
黃金空為蕉園貴  
青史難將祖帳輕  
天上夏雲諳物態  
山中夜雨見平生  
預愁揮手春明日  
無復汪倫送我情

言津座主以戊申除夕已酉元旦二作見示依

韻敬和

節序中年自不堪  
閒挑短檠舉杯三  
東方雨雪真難訴  
北闕風波豈易諳  
春進冰山容欲改  
寒禁梅樹信能探  
庭階受酒非凡鳥  
博得先生笑口含



其二

龍性由來七不堪，莫依尺五望魁三。  
飛揚野興青尊滿，漏洩流光白髮諳。  
舊雨自從悲雨散，新春只似少春探。  
公門豈是無桃李，誰與孤花滴露含。

嚴存菴典試山東

天上文星初入危，宮袍彩筆照臨淄。  
自無陽鱗游嚴瀨，聞有幽人惜楚辭。  
把卷誰如三策好，歸車須致兩生隨。  
孤山泉畔今陳迹，為羨秋高酌突時。  
詞林典故  
始學使刊拙稿  
訓士故及之

五言絕

病起望魏賞，延村莊

綠葉隱茅屋，青春迷去來。  
人歸客病後，正正一門開。

仲春南苑閱武 賜宴行宮以七言律應制因

又賦一絕

彎月燕弧滿，追風宛馬安。  
大君勤習戰，侍從但傳餐。

七言絕

報國寺松

閱盡繁華問古株，招堤清敞助扶疎。  
為君愴隔東封

日名老金臺不大夫

保定署中見壁上韻偶和

三輔民生已盡凋勞心不為遠人怡高車駟馬真何補謾說相如過此橋

綠柳長廊步蔣虎臣太史李退菴侍御壁間韻  
冠蓋如雲逐馬塵娟娟嘉樹為誰新還宜植向陶潛  
舍暮雨朝烟總可人

謁夷齊廟三絕

束髮攤書說首陽此生敢擬薦壺觴盧龍買後誰家

粟只恐先生不肯嘗

其二

誰擁提封誰卧雲三堆青草却平分兒童不解逃名  
意猶指雙山是長君

其三

父命天倫那可遺算來只合走荒陲兄兄弟弟家常  
事俎豆人間起特祠

大木驛步壁間韻

御詔親征墨未乾期門鐵騎一時殘蔚州本意邀臨



魚鑑詩集  
幸猶向天邊望羽干

其二

不容歲幣渡桑乾大計於公善保殘遣使逡巡儲又  
易真成家事不相干

題張御史畫像

甚偉衣冠入禁林皂囊行處曉霜侵雄班爭指埋輪  
客誰識中宵聽鑰心

蕭五雲太守還滇葬親滇遲入版圖離家蓋三  
十年矣攜冊索題為書一絕

知君血淚灑嚴程麥黍松楸併此生萬里昆明容易  
到何年不在夢中行

雨坐蕭文遠西樓戲東孫立中

騎馬尋僧不自由烹鱸謀婦更何憂閒敲棋子爭簷  
溜便把西樓作竹樓

正月十四夜與殿颺小飲偶成四絕

太乙壇中香霧凝流傳燿久變風燈年年濃李行歌  
夜惟有霜輪照茂陵

其二

九枝丹燄沃金麻弄影明粧綠萼華枉却六街絃管  
沸春風祇在五侯家

其三

珠箔迎風聽小開玉簪弄  
首重回甘同蛾子頻頻  
繞花落明銷亦可哀

其四

雀網風光不稱春短檠濁酒洽窮賓夜遊崔子詞還  
陋儘有聞燈不看人



